

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**Ministarstvo obrazovanja, nauke,**  
**kulture i sporta**

**PRAVILNIK O IZMJENAMA I DOPUNAMA PRAVILNIKA O USLOVIMA,**  
**KRITERIJIMA I POSTUPKU ZAPOŠLJAVANJA U JAVNIM USTANOVAMA**  
**OSNOVNOG I SREDNJEG OBRAZOVANJA NA PODRUČJU TUZLANSKOG KANTONA**

**decembar, 2017. godine**

Na osnovu člana 79. stav (9) Zakona o osnovnom odgoju i obrazovanju („Službene novine Tuzlanskog kantona“, broj: 9/15 i 6/16) i člana 104. stav (11) Zakona o srednjem obrazovanju i odgoju („Službene novine Tuzlanskog kantona“, broj: 17/11, 9/15 i 6/16), ministar obrazovanja, nauke, kulture i sporta Tuzlanskog kantona, donosi

## **PRAVILNIK**

### **o izmjenama i dopunama Pravilnika o uslovima, kriterijima i postupku zapošljavanja u javnim ustanovama osnovnog i srednjeg obrazovanja na području Tuzlanskog kantona**

#### **Član 1.**

U članu 1. Pravilnika o uslovima, kriterijima i postupku zapošljavanja u javnim ustanovama osnovnog i srednjeg obrazovanja na području Tuzlanskog kantona („Službene novine Tuzlanskog kantona“, broj: 17/17), iza riječi „poslove“ briše se veznik „i“, stavlja se zarez, a iza teksta „pomoćno-tehničkog“ dodaje se tekst „i administrativno-tehničkog“.

#### **Član 2.**

U članu 4. stav (1) iza teksta „Obrazac 4“ briše se veznik „i“, stavlja se zarez, a iza teksta „Obrazac 5,“ dodaje se tekst „i Obrazac 5a“.

#### **Član 3.**

U članu (5) stav (1) riječi „na adresu škole“ zamijenjuju se riječima „putem pošte (na adresu škole u koju se prijavljuje) ili neposredno na protokol škole (u kojoj se prijavljuje)“.

Iza stava (3) dodaju se novi stavovi (4) i (5) koji glase:

„(4) Dokumentaciju iz stava (2) i (3) ovog člana izabrani kandidat je dužan dostaviti najkasnije u roku od tri dana od dana prihvatanja zaključivanja ugovora o radu.

(5) U slučaju propuštanja roka iz stava (4) ovog člana i ne dostavljanja dokumentacije iz stava (2) i (3) ovog člana, smatrat će se da je kandidat odustao od zaključivanja ugovora o radu, a direktor škole dužan je sa konačne rang-liste vršiti pozivanje sljedeće rangiranih kandidata u skladu sa odredbama ovog pravilnika.“

Dosadašnji stav (4) postaje stav (6).

#### **Član 4.**

U članu 9. stav (2) iza riječi „se“ dodaje se tekst „sa 0,20 bodova za svaki navršeni mjesec“.

U stavu (3) u četvrtom redu iza riječi „se“ dodaje se tekst „sa 0,20 bodova za svaki navršeni mjesec“.

U stavu (4) iza riječi „istovremeno“ riječi „ili na zahtjev škole“ brišu se.

U stavu (5) iza riječi „bodovanje“ riječi „ili ne postupi po zahtjevu škole“ brišu se.

#### **Član 5.**

Iza člana 15. dodaje se novi član 15a. koji glasi:

##### **„Član 15a.**

##### **(Kriteriji za bodovanje administrativno-tehničkog osoblja)**

(1) Kriteriji za bodovanje po osnovu kojih se vrši prijem u radni odnos administrativno-tehničkog osoblja, su:

- a) intervju,
- b) pripadnost nekoj od boračkih kategorija i
- c) radna obaveza.

(2) Pod administrativno-tehničkim osobljem u smislu stava (1) ovog člana smatra se radno mjesto referenta za administrativna pitanja i druga radna mjesta u školi za koja ovim pravilnikom nije određen drugačiji način bodovanja.“

#### **Član 6.**

Iza člana 16. dodaje se novi član 16a. koji glasi:

#### **„Član 16a.**

#### **(Bodovanje kandidata za rad na poslovima administrativno-tehničkog osoblja)**

Bodovanje kandidata za rad na poslovima administrativno-tehničkog osoblja po osnovu kriterija iz člana 15a. ovog pravilnika vrši se u skladu sa članom 17., 19. i 21. ovog pravilnika.“

#### **Član 7.**

U članu 17. stav (2) iza riječi „poslove“ briše se veznik „i“, stavlja se zarez, a iza teksta „pomoćno-tehničkog“ dodaje se tekst „i administrativno-tehničkog“.

U stavu (5) iza teksta „pomoćno-tehničkog“ dodaje se tekst „i administrativno-tehničkog“.

#### **Član 8.**

U članu 20. iza stava (2) dodaje se novi stav (3) koji glasi:

„(3) Procentualno uvećanje i dodatne bodove po osnovu pripadnosti nekoj od boračkih kategorija, zavisno od kategorije po osnovu koje ostvaruje pravo, ne može ostvariti kandidat koji nije kumulativno dostavio svu dokumentaciju traženu tekstem konkursa/oglasa, bez obzira na razloge ne dostavljanje iste.“

#### **Član 9.**

U članu 22. u stavu (2) u tački c) umjesto veznika „i“ stavlja se zarez, a iza tačke d) dodaje se nova tačke e) koja glasi:

„e) ovjerenu izjavu da mu radni odnos nije prestao njegovom krivicom, da po prestanku radnog odnosa nije ostvario pravo na otpremninu, odnosno da nije korisnik prava na porodičnu penziju.“

Iza stava (2) dodaje se novi stav (3) koji glasi:

„(3) Procentualno uvećanje po osnovu radne obaveze, ne može ostvariti kandidat koji nije kumulativno dostavio svu dokumentaciju traženu tekstem konkursa/oglasa, bez obzira na razloge ne dostavljanje iste.“

#### **Član 10.**

U članu 25. stav (5) i (6) mijenjaju se i glase:

„(5) Listu kandidata koji ispunjavaju formalno-pravne uslove konkursa/oglasa sa utvrđenim brojem bodova, kao i listu kandidata koji ne ispunjavaju formalno-pravne uslove konkursa/oglasa (navodeći razlog zbog kojeg kandidat ne ispunjava uslove), komisija za bodovanje dužna je, istovremeno sa dostavljanjem lista kandidata komisijama iz stava (4) ovog člana, postaviti na oglasnu ploču škole, naznačavajući vrijeme njihovog isticanja. Nezadovoljni kandidat može komisiji za bodovanje, u roku od 24 sata od momenta njihovog isticanja, podnijeti zahtjev za preispitivanje liste, iznoseći pri tome svoje primjedbe.

(6) Po zaprimanju zahtjeva iz stava (5) ovog člana komisija za bodovanje dužna je isti neodložno razmotriti, a ukoliko utvrdi osnovanost iznesenih primjedbi, izmjenit će ili dopuniti listu za koju je traženo preispitivanje. Nakon isteka roka za podnošenje zahtjeva iz stava (5) ovog člana, odnosno eventualnih izmjena ili dopuna listi, komisija za bodovanje iste prosljeđuje na odgovarajuće postupanje komisiji za intervju, komisiji za praktičan rad ili komisiji za test stručnog znanja, naznačavajući u kojem dijelu je lista izmijenjena ili dopunjena.“

#### **Član 11.**

U članu 26. stav (2) u tački a) iza riječi „ime“ dodaje se tekst „i ime jednog roditelja“.

U stavu (2) u tački c) iza riječi „intervjua“ dodaje se tekst „(pitanja koja su kandidatu postavljena od strane svakog člana komisije za intervju)“.

### **Član 12.**

U članu 28. stav (6) na kraju stava briše se tačka i dodaju se riječi „odnosno komisiji za intervju (bez naznačenog broja bodova)“.

U stavu (7) ispred riječi „gubi“ dodaje se tekst „ili na testu stručnog zvanja ne ostvari 70% od maksimalnog broja bodova“.

### **Član 13.**

U članu 29. stav (1) iza riječi „bodovanje“ dodaju se riječi „za svaku raspisanu radnu poziciju“.

U stavu (5) iza teksta „(Obrazac 9)“ briše se veznik „i“, stavlja se zarez, a iza teksta „(Obrazac 10)“ dodaje se tekst „i za radno mjesto „administrativno-tehničkog osoblja (Obrazac 11)“.

### **Član 14.**

U članu 31. stav (2) mijenja se i glasi:

„(2) Ukoliko se prigovor kandidata odnosi na provođenje testa stručnog znanja iz člana 13. i 28. ovog pravilnika, prigovor se, u skladu sa stavom (1) ovog člana, izjavljuje Ministarstvu. Ukoliko se u postupku razmatranja prigovora utvrdi osnovanost izjavljenog prigovora, kandidatu u daljem toku konkursne procedure pripadaju sva prava koja se vežu za konkursnu proceduru nakon provođenja testa stručnog znanja.“.

Iza stava (2) dodaje se novi stav (3) koji glasi:

„(3) Do donošenja odluke po prigovoru iz stava (2) ovog člana ne može se okončati konkursna procedura u odnosu na školu i radnu poziciju na koju se kandidat prijavio. U slučaju usvajanja izjavljenog prigovora, konkursna procedura za odnosnu radnu poziciju može se okončati isključivo uz ravnopravno učešće kandidata čiji je prigovor usvojen sa ostalim kandidatima za tu radnu poziciju. O izjavljenom prigovoru i odluci po pitanju istog, Ministarstvo će na odgovarajući način i neodložno obavijestiti odnosnu školu.“.

Dosadašnji stavovi (3), (4) i (5) postaju stavovi (4), (5) i (6).

### **Član 15.**

U članu 41. u stavu (2) tekst „(redovna, paralelna ili specijalna)“ briše se.

U stavu (3) u tački c) tekst „8,49“ mijenja se i glasi „8,50“.

### **Član 16.**

U članu 48. na kraju člana iza riječi „stranici“ briše se tačka i dodaju riječi „ili internet stranici Vlade Tuzlanskog kantona.“.

### **Član 17.**

U članu 49. stav (3) riječi „najkasnije pet dana prije raspisivanja konkursa“ mijenjaju se i glase: „najkasnije do dana zatvaranja konkursa/oglasa“.

### **Član 18.**

U članu 50. riječi „U roku od osam dana od dana stupanja na snagu ovog pravilnika,“ mijenjaju se i glase: „Najkasnije do dana raspisivanja konkursa/oglasa za prijem u radni odnos,“.

### **Član 19.**

U članu 51. stav (4) iza riječi „Ministarstva“ stavlja se tačka, a preostali dio teksta se briše.

### **Član 20.**

#### **(Sastavni dio pravilnika)**

Sastavni dio ovog pravilnika, pored prijavnog obrasca za prijem u radni odnos administrativno-tehničkog osoblja u osnovnim i srednjim školama TK (obrazac 5a) i obrasca rang-